



## SRG SSR – la litteratura svizra en tun e maletg

Il moderatur Otmar Seiler preschenta in'emissiun dals Dis da litteratura a Domat  
Funtauna: ©RTR

La SSR è ina tribuna per la litteratura. En lur programs mussan SRF, RTS, RSI, RTR e SWI la varietad da la producziun litterara da tuttas regions linguisticas da la Svizra, dentant era da l'exteriur.



Funtauna: ©RTR

### Svizras e Svizzers legian gugent

Leger è in dals passatempis ils pli populars en Svizra: tenor l'Uffizi federal da statistica è vegnids stampads en Svizra il 2016 passa 10 000 titels da cudeschs – duas giadas tants sco il 1969. L'Associazion svizra dals libraris ed editurs inditgescha che 10% dals cudeschs vendids sajan stads e-books.

Il 2016 èn quasi la mesadad da tut ils cudeschs cumparids en Svizra vegnids scrits en tudestg. La cumpart dals cudeschs per franzos ha muntà a var 20% e quella dals cudeschs per talian a bundant 2%.

RTR fa ina intervista cun il scriptur Tim Crohn

Dad ovras classicas fin contemporanas: las Svizras ed ils Svizzers legian gugent. Il pajais ha creà ina tradiziun litterara ch'è sa sviluppada en tut las quatter linguas nazionalas.

Ins na po dentant betg discurre dad «ina» litteratura svizra, cunquai che las auturas ed ils auturs sa movan mintgamai en ils spazis culturals da lur lingua respectiva.

D'ina vart èn da vesair en ils programs da la SSR las grondas occurrenzas litteraras annualas sco ils Dis da litteratura da Soloturn, il «Salon du livre» a Genevra, ils Dis da litteratura a Domat, però er occurrenzas da litteratura impurtantas per la regiun linguistica taliana sco per exempel «Il salone del libro di Torino» (il pli impurtant lieu d'inscunter per auturs talians).

Quests lieus da reuniun principals da las auturas e dals auturs svizzers vegnan preschents en tut ils programs da radio e da televisiun da SRF, RTS, RSI, RTR e SWI cun rapports actuals, cun intervistas e reportaschas. Ils collavuradors da la SSR responsabels per las redacziuns culturalas èn per part er engaschads sco moderaturas e moderaturs da talas occurrenzas.

Da l'otra vart deditgeschan **las redacziuns culturalas numerusas emissiums** a la producziun litterara en las quatter linguas naziunalas. Ils giasts en las emissiums tematiseschas e crititgeschan novs cudeschs, scienziads da litteratura discuteschan ed analiseschan novs trends da l'istorgia da litteratura.

### Ina schelta d'emissiums

- «BuchZeichen» (SRF)
- «52 beste Bücher» (SRF)
- «Schnabelweid» (SRF)
- «Literaturclub» (SRF)
- «Caractères» (RTS)
- «Versus-lire» (RTS)
- «La librairie francophone» (RTS)
- «Le labo» (RTS)
- «Vertigo» (RTS)
- «La puce à l'oreille» (RTS)
- «Geronimo Letteratura» (RSI)
- «Blu come un'arancia» (RSI)
- «Il Segnalibro» (RSI)
- «Librintasca» (RSI)
- «Magazin da cultura» (RTR)
- «Impuls» (RTR)
- «Il Tavulin litterar» (RTR)

Tranter questas emissiums chatt'ins formats quotidianis sco per exempel ils «Impuls» da RTR, ina plattafurma che permetta a giuvinas auturas e giuvens auturs nunenconuschents da publitgar lur texts curts. Curtas prelecziuns quotidianas datti era tar RTS en la «Matinale». Dentant era novas furmas da l'intermediaziun litterara sco per exempel l'emissium da SRF «BuchKönig» en furma da blog tutgan tar la purschida e resguardan las novas modas da consumar medias.



Funtauna: ©RSI



Funtauna: ©RTR

Il pult da preleger als Dis da litteratura Domat



Funtauna: ©RTR

La redactura Esther Krättli dad RTR en discours cun Martin Camenisch e Clà Riatsch




Funtauna: ©RTR

Preparaziun per ina emissiun da radio dad RTR als Dis da litteratura a Domat



Funtauna: ©SRF/Gian Vaitl



Funtauna: ©RTR

**En cifras**

Il program da **SRF** ha cumpligià il 2016 prest **400 uras** litteratura, il program da **RTS 266 uras**, quel da **RSI 122 uras** e **RTR** è s'occupà durant radund **40 uras** da la litteratura.

L'entira offerta da litteratura stat a disposiziun sin las paginas-web sco datotecas da tun e maletg en numerus dossiers sco per exempel sut «Nossas auturas e noss auturs» tar RTR, sut «Ansichten: Entdecken sie die Schweizer Literatur» tar SRF u sut «Autorinnen und Autoren» tar SWI. RTS preschenta sia purschida da litteratura online sin RTSCulture.



Funtauna: ©RTR

Maria Victoria Haas da RTR moderescha als Dis da litteratura a Domat



Funtauna: ©RTS/RSI/Loreta Daulte

«La puce à l'oreille» da RTS cun in'emissiun a Locarno

## La SSR sco partenaria da medias

La scena da litteratura svizra obtegna sia atenziun era grazia als partenadis da medias. Uschia promova la SSR dapi il 2007 la litteratura svizra en il rom d'in partenadi da medias cun ils Dis da litteratura da Soloturn. Al «Salon du livre» a Geneva surdat RTS dapi la mesadad dals onns 1980 il «Prix des auditeurs». L'onn 2005 è vegnì vitiers il «Prix RTS Littérature Ados», il sulet premi da litteratura franzos per giuvenils en la vegliadetgna da 14 fin 16 onns. En pli s'engascha RTS er a Morges tar «le Livre sur les quais». RSI è il partenari da medias tar «Eventi letterari Monte Verità» ad Ascona, tar «Chiasso Letteraria», tar «Poestate» a Lugano e tar «Babel» a Bellinzona.

SRF s'engascha en il rom dal festival da litteratura internaziunal «Buch Basel 2017», dal «Woerdz Festival Luzern 2018», dal Campiunadi svizzer da poetry slam 2018 e dal Campiunadi mundial da poetry slam tudestg 2018.



Funtauna: ©RTR

Sin il canapé als Dis da litteratura

La promoziun da la cultura è francada en la concessiun da la SSR:

**Art. 2** Incumbensa da program

<sup>4</sup> La SSR contribuescha:

b) al svilup cultural ed al rinforzament da las valurs culturalas dal pajais sco er a la promoziun da la cultura svizra, **tegnend quint en spezial da la produenziun litterara**, musicala e cinematografica svizra, particularmain cun emetter produenziuns svizras independentas e produenziuns fatgas sezzas.